

T. III. p. 229. datur *Nicolao Claraev.* poniturque *Tandem pro Hodie. Fol. 156. De sancto Andrea.* Initium: *Ad quietum studium &c.* Legitur et in dicta *Biblioth.* et T. V. *Opp. Bernb. col. 713.* eidem *Nicolao* inscriptus. *Fol. 159. p. 2. De sancto Martino.* Initium: *Nobilis ille confessor &c.* Pariter ad *Nicolaum* relatus dictae *Biblioth.* T. cit. p. 219. Dixi jam, mirum esse, ipso *Bernhardi* seculo *Scriptis* ejus tot aliena misceri potuisse.

CCCCXXXII.

- U. 81 Codex chartaceus lat. Sec. XV. Folior. 371. 4. currente calamo perscriptus, et rubricis enotatus varia continet, quae hic enumerantur: I. *Epistola beati Bernardi de originali peccato in conceptione sanctissime virginis Marie.* Initium: *Inter ecclesias Gallie constat profecto Lugdunensem haecenus preeminuisse &c.* Nota illa reprehensoria ad *Canonicos Lugdun.* Festum illibati *Conceptus* celebrantes, quae legitur in omnibus *Bernardi* Editionibus, et signate in *Mauriana Paris. 1690. Vol. I. T. I. col. 169. n. CLXXIV.*

II. *fol. 2. secuntur verba perspicacissimi doctoris Magistri Johannis de turri cremata.* Ineunt: *Ecce testimonium clarissimum, et tante auctoritatis, quod plane in hac re ipsum solum sufficere deberet pro determinatione questionis &c.* Videlicet de *Conceptu Virginis.* Respondet vero dictus *Doctor, Magister Palatii et Eugenii IV.*

ad *Synodum Basil.* Orator, tum ab a. 1440. *Cardinalis* iis, quae *piae Caussae Patroni* adversus *Bernhardi* *Epistolam* illo tempore obmovebant. Non dubito *Verba* nostra excerpta esse ex ejus *Treatatu de veritate conceptionis Beatissimae Virginis pro facienda relatione coram Patribus Concilii Basileensis anno Domini 1437. &c.* *Romae edito 1547. 4. qui mihi ad manum non est.* Sed nihil eum *Patribus* persuasisse, ex eorum *Decreto Sess. XXXVI. a. 1439.* liquet. *Adi de eo Scriptt. Ord. Praed. T. I. p. 837.*

III. *fol. 12. praemisso Indice Incipit biblia accurtata.* *Conspectus omnium utriusque Foederis Librorum sacrorum, cujus indolem discas ex initio: Genesis capitulum primum. In principio. de operibus sex dierum. 2. Igitur perfecti sunt. de sabbato. paradiso. legibus. nominibus. nuditate Adam et eue. &c.* *Finis est: excommunicat johannes addentem et subtrahentem. vocat Ihesum. Amen.*

IV. *fol. 55. p. 2. Incipit formula honeste vite quam sanctus martinus scripsit dumiensis ecclesie episcopus qui ab oriente venit. sive uos ab arriana impietate conuertit ad mironem regem. Lege Braccarenensis Ecclesiae; Dumiensis enim tantummodo Abbas fuit. Dixi de Libello Prudentiae, Fortitudinis, Temperantiae et Justitiae officia exponente Vol. I. P. 1. col. 584. Quo te, si lubet, refer.*

V. *fol. 60. Incipiunt, ut e fol. 187. p. 2. praeoccupandum est, addiciones ad postillam Magistri Nico.*

Nicolai de Lira super Bibliam edite a Reuerendo Patre domino Paulo de Sancta Maria Magistro in theologia Episcopo Burgen. Archicancellario Serenissimi Principis Domini Johannis Regis castelle et legionis Quas Venerabili viro Alfonso legum doctori Decano Compostellano filio suo ex legitimo matrimonio genito direxit Premittens ei prologum sub forma sequenti, finiuit autem eas Anno domini. M. CCCC 29. no. Haec paene ad litteram in Bibliis glossatis v. g. Edit. Lugd. 1545. f. ubi Lirani Postillis per singulos Libros Additiones ἐπιγεγραμμαι Pauli subjunctae sunt una cum Replicis ad easdem Matth. Doringii seu de Thuringia Ord. Min. qui, tanquam Paulus Franciscani Sodalitii Palladium temerasset, mea quidem opinione acrius in illum incurfauit, neque verum credo, quod in Lirani elogio quodam apud Fabricium Bibl. med. Lat. L. XIII. p. 118. 4. legitur, Doringium id operis summi Pontificis mandato suscepisse. Ceterum ordo Additionum in praesenti Codice mire confusus est; initium enim fit ab Actis Apostol. et definitur in Jobo hac clausula: Anno (14)57. proxima die ante octauas epiphaniae. Integrae tamen sunt, ut ne quidem Epistolam illam F. Minoris ad Burgensem, et hujus Responsum desideres, quae in Bibl. glossat. merito praecedunt, hic vero fol. 192. inter Additiones in Isaiam et Genesim interjiciuntur.

VI. fol. 348. *Traetatus cuiusdam officiose determinans Auctoritatem summi Pontificis precellere auctoritatem ecclesie et conciliorum. Ejus ingressus: Audiui et conturbatus est venter meus, a voce contremuerunt labia mea, flebile in ecclesia dei dissidium ortum. Non paganos sed domesticos fidei ac etiam vniuersitates quasdam — inter se discrepare de ecclesiastica potestate, non ordinis sed jurisdictionis plenarie &c. Itaque ad tria se accingit Noster: Primo plenarie potestatis eminentiam in papa ostendam reside-re. Secundo ex eadem potestate concilium basiliense rite translatum fore. Tertio depositionem sanctissimi domini Eugenij pape irritam existere. Finit difficillimae lectionis: Ipse enim quos soluit, soluit christus, qui nos benedicat in salutem eterne felicitatis. Amen. Deposuerunt Basileenses Eugenium in Sess. XXXIV. 25. Jun. 1439. unde liquet aetas Traetatus nostri; Autorem vero etsi in Editionibus Concill. et Rocaberti Bibliotheca Pontif. diligenter quaesitum non reperi, suspicor tamen esse Card. Johannem de Turre Cremata O. P.*

VII. fol. 362. *Initia Capitum omnium Librorum Biblicorum.*

Codicem ambiunt Membranae quaedam Sec. XIV. in quibus scripta est Expositio aliquorum locorum Matthaei. In antica praeterea legitur notatum:

1007

CODICES

1008

Dum cras est Prothbus deceffit Rex ludouicus. Anno CCCLXXVII. Sceptra Sigismundi vindex conceptio strinxit. M. CCCC. XXXVII. Peior praga cibus scindis bei lassla Clementis. 1457.

Fallit annus primus; obiit enim Ludovicus I. Rex Hungariae anno demum 1382. Festum Proti est 11. Sept. sunt tamen, qui Regis mortem 12. adsignant. Ita quidam Sigismundum 9. Dec. mortuum scribunt, cum Festum Conceptionis B. V. 8. agatur. De Ladislao Posthumo dies et annus recte habent. In postica: Magister Johannes de Peurbach dedit 1. flor. Vngar. Non itaque Georgius celebrer Mathematicus noster.

CCCCXXXIII.

R. 2142 Codex membranaceus lat. Sec. XIV. Folior. 41. 8. per duas columnas minute, et priore parte nitide exaratus, rubricisque distinctus titulum praefert: *Incipiunt me-*

Codex

Exurgat deus et cadat armatus iste. Cadat et conuertatur. Iniquus homo est, contemptor dei, cultor sui, amicus mundi, seruus diaboli. Quid tibi uidetur? Sed recte sentis, mecum dicis: Reus est mortis, crucifigatur. Noli dissimulare, noli differre, noli parcere, sed festinanter, audacter, instanter crucifige hominem hunc, sed cruce christi, in quo est salus et uita, ad quem si ex corde clamauerit crucifixus, audiet benigne respondentem: Hodie mecum eris in paradiso.

ditiones Bernardi. Ad oram inferam manus συγγεγοσ adjecit: Anno domini M. C. XIII. A constitutione domus cysteracen. XV. seruus dei Bernardus Annos natus XXII. cysteracium ingressus cum socijs amplius quam XXX. sub abbate stephano christi iugo collum submitit. Meditationes ipsas Bernardo detrahit Editio Opp. Mauriana T. V. Paris. 1690. col. 319. f. Mirum, quod in Codice praesenti a Capite incipiunt, quod in illa Edit. ultimum est: Dies hominis sicut umbra super terram &c. et ultimum esse debet propter adjunctam δοξολογίαν: qui uiuit et regnat &c. Ceterum alia etiam diuisione Capita non XV. sed XVI. censet, et lectione abit, cuius specimen fit ex eodem Capite:

Editio

Exurgat Deus, et cadat armatus iste: cadat et conuertatur inimicus homo, contemptor Dei, cultor sui, amator mundi, seruus diaboli. Quid tibi uidetur? Si recte sentis, mecum dices: Reus est mortis, crucifigatur. Noli ergo dissimulare, noli differre, noli parcere: sed festinanter, audacter, instanter crucifige hominem istum, sed cruce Christi, in qua est salus, et uita, ad quem si ex corde clamaueris, Crucifixus tuus audiet te benigne respondens: Hodie mecum eris in paradiso.